



TOSHKENT DAVLAT YURIDIK UNIVERSITETI REKTORINING B U Y R U G ' I

12.11.2024

786-tm-son

Talabalarga hayfsan intizomiy jazo chorasi qo'llash to'g'risida

Bugungi kunda universitetda yuqori malakali, zamonaviy yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda.

Jumladan, 2024-yil oktabr oyida universitetning Ommaviy huquq fakulteti tomonidan fakultet talabalari o'rtasida universitet Odob-axloq kodeksi normalari va Ichki tartib qoidalariga amal qilish holati o'rganilganda, fakultet Yurisprudensiya yo'nalishi 1-kurs talabasi Murodullayev Shohjahon Orifjonovich 2024-yil 25-oktabr kuni dars jadvaliga muvofiq Legal tech modulidan, Davlat va jamiyat boshqaruvi yo'nalishi 1-kurs talabasi Yo'ldoshev Ahliyorbek Zafarjon o'g'li 2024-yil 25-oktabr kuni dars jadvaliga muvofiq Xorijiy til modulidan, Yurisprudensiya yo'nalishi 1-kurs talabasi Allabergenov Ibrohim Ravshanovich 2024-yil 29-oktabr kuni dars jadvaliga muvofiq Konstitutsiyaviy huquq modulidan ma'ruza dars mashg'uloti davomida o'qituvchining ruxsatsiz telefondan foydalanib, mazkur modullarga taalluqli bo'lmagan ish bilan shug'ullanib, dars mashg'ulotlariga e'tiborsiz o'tirganlik holatlari aniqlangan. Shuningdek, fakultet Davlat-huquqiy faoliyat yo'nalishi 3-kurs talabasi Muxammedaliyev Dauletali Muxammedali uli 2024-yil 8-oktabr kuni dars jadvaliga muvofiq Soliq huquqi modulidan ma'ruza dars mashg'uloti davomida o'qituvchining ruxsatsiz telefondan foydalanib, ushbu modulga taalluqli bo'lmagan narsalar bilan shug'ullanib, "Subway surf" mobil o'yinini o'ynab dars mashg'ulotlariga e'tiborsiz o'tirganlik holati aniqlangan.

Talabalar Sh.Murodullayev, A.Yo'ldoshev, I.Allabergenov va D.Muxammedaliyevdan ushbu holat bo'yicha tushuntirish xati olinganida, haqiqatdan ham dars mashg'uloti paytida tegishli modulga aloqador bo'lmagan narsalar bilan shug'ullanib o'tirganliklarini va o'qituvchi ruxsatisiz telefondan foydalanganliklarini tasdiqlab, qayta takrorlamasliklarini bayon etgan. Vaholanki, talabalarga muqaddam universitet Odob-axloq kodeksi normalari va Ichki tartib

qoidalariga amal qilmaganligi sababli ogohlantirish berilgan hamda o'rnatilgan tartib-qoidalarga takroran amal qilmasa tegishli tartibda "hayfsan" intizomiy jazo chorasi qo'llanilishi mumkinligi to'g'risida ma'lum qilingan.

Talabalar Sh.Murodullayev, A.Yo'ldoshev, I.Allabergenov va D.Muxammedaliyev mazkur harakatlari bilan universitet Odob-axloq kodeksi 21-modda va 27-moddasining to'qqizinchi xatboshisidagi talablarni buzishgan.

Shuningdek, fakultet Davlat-huquqiy faoliyat yo'nalishi 3-kurs talabasi Dolimjonov Abrorbek Baxtiyorjon o'g'li 2024-yil 1-noyabr kuni universitet hududida tamaki mahsuloti chekkanlik holati aniqlandi.

Talaba A.Dolimjonovdan ushbu holat bo'yicha tushuntirish xati olinganida, talaba mazkur holatni tasdiqlab, qayta takrorlamasligini bayon etgan. Vaholanki, talabaga muqaddam universitet Odob-axloq kodeksi normalari va Ichki tartib qoidalariga amal qilmaganligi sababli ogohlantirish berilgan hamda o'rnatilgan tartib-qoidalarga takroran amal qilmasa, tegishli tartibda "hayfsan" intizomiy jazo chorasi qo'llanilishi mumkinligi to'g'risida ma'lum qilingan.

Talaba A.Dolimjonov mazkur harakatlari bilan universitet Odob-axloq kodeksi 17-moddasi to'qqizinchi xatboshisi talabini buzgan.

Shu bilan birga, 2024-yil 15-oktabr-5-noyabr kunlari fakultet Yurisprudensiya yo'nalishi 1-kurs talabalari Baxtiyorov Temurbek Hasan o'g'li, Sherqo'ziyev Xolmuhammad Sharifjon o'g'li, Nabijonov Muxammaddiyor Zafarjon o'g'li, Erkinxojayev Ibroxim Alisherovich, Davlat-huquqiy faoliyat yo'nalishi 2-kurs talabasi Rustamov Akobir Umidjon o'g'li, 1-kurs talabasi Yusupov Gafur Firuzbekovich, Davlat va jamiyat boshqaruvi yo'nalishi 1-kurs talabasi Nurxonov Azizbek Alisher o'g'li universitetda kiyinish va tashqi ko'rinishga oid qoidalarga rioya qilmasdan dars mashg'ulotlariga kelganlik holatlari aniqlandi.

Talabalar T.Baxtiyorov, X.Sherqo'ziyev, M.Nabijonov, I.Erkinxojayev, A.Rustamov, G.Yusupov, A.Nurxonovlardan ushbu holat bo'yicha tushuntirish xati olinganida, ular mazkur holatni tasdiqlab, qayta takrorlamasliklarini bayon etishgan. Vaholanki, mazkur talabalar muqaddam universitet Odob-axloq kodeksi normalari va Ichki tartib qoidalariga amal qilmaganligi sababli ogohlantirish berilgan hamda o'rnatilgan tartib-qoidalarga takroran amal qilmasa, tegishli tartibda "hayfsan" intizomiy jazo chorasi qo'llanilishi mumkinligi to'g'risida ma'lum qilingan.

Talabalar T.Baxtiyorov, X.Sherqo'ziyev, M.Nabijonov, I.Erkinxojayev, A.Rustamov, G.Yusupov, A.Nurxonovlar mazkur harakatlari bilan universitet Odob-axloq kodeksi 12-moddasi to'rtinchi xatboshisi talablarini buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral)ning 51-bandi, universitet Odob-axloq kodeksi 12-moddasi to'rtinchi xatboshisi, 17-moddasi to'qqizinchi xatboshisi, 21-moddasi va 27-moddasining to'qqizinchi xatboshisi, Toshkent davlat yuridik universiteti Ichki tartib qoidalari (ichki mehnat tartibi qoidalari)ning 83-bandi hamda Ommaviy huquq fakulteti dekani Sh.Saydullayevning bildirgisiga asosan

BUYURAMAN:

1. Universitet Ommaviy huquq fakulteti talabalari Murodullayev Shohjahon Orifjonovich, Yo'ldoshev Ahliyorbek Zafarjon o'g'li, Allabergenov Ibrohim Ravshanovich, Muxammedaliyev Dauletali Muxammedali uli, Dolimjonov Abrorbek Baxtiyorjon o'g'li, Baxtiyorov Temurbek Hasan o'g'li, Sherqo'ziyev Xolmuhammad Sharifjon o'g'li, Nabijonov Muxammaddiyor Zafarjon o'g'li, Erkinxojayev Ibroxim Alisherovich, Rustamov Akobir Umidjon o'g'li, Yusupov Gafur Firuzbekovich va Nurxonov Azizbek Alisher o'g'lilarga hayfsan intizomiy jazo chorasi qo'llanilsin.

2. Ommaviy huquq fakulteti dekani (Sh.Saydullayev):

mazkur buyruq bilan qo'llanilgan intizomiy jazo chorasini fakultet talabalari o'rtasida shu kabi holatlar takroran yuzaga kelmasligi, ularda dars mashg'ulotlari hamda professor-o'qituvchilarga bo'lgan hurmatni shakllantirish maqsadida barcha talabalar e'tiboriga yetkazish choralari ko'rsin;

ushbu holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'ma jildlariga buyruq nusxasi tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

